

四庫全書

史部

欽定四庫全書

史部  
元史卷六十一

御史<sub>臣</sub>徐如澍覆勘

總校官編修臣朱鈴

欽定四庫全書

元史卷六十一

明翰林學士亞中大夫知制誥兼修國史宋濂等修

志第十三

地理四

雲南諸路行中書省為路三十七府二屬府三屬州五

十四屬縣四十七其餘甸寨軍民等府不在此數

馬站七十

四處水站四處

雲南諸路道肅政廉訪司

大德三年罷雲南行御史臺立肅政廉訪司

中慶路

上

唐姚州閣羅鳳叛取姚州其子鳳伽異增

築城曰柘東至六世孫豐祐改曰善闡歷五代迄宋  
羈縻而已元世祖征大理凡收府八善闡其一也郡  
四部三十有七其地東至普安路之橫山西至緬地  
之江頭城凡三千九百里而遠南至臨安路之鹿澹  
江北至羅羅斯之大渡河凡四千里而近憲宗五年  
立萬戶府十有九分善闡為萬戶府四至元七年改

為路

中八年

分大理國三十七部為南北三路路設達魯噶齊并總管

十三年立雲

南行中

書省

初置郡縣遂改善闡為中慶路領司一

縣三州

四州

領八縣

本路軍民屯田二萬二千四百雙有奇

錄事司

縣三

昆明

中倚郭唐置元憲宗四年分其地立千戶二元十二年改善州領縣二十一年州革縣

如故

其地有昆明池五百餘里夏潦必冒城郭張立道為大理等處勸農使求泉源所出洩其水得

地萬餘頃皆

為良田云

富民

下至元四年立黎澧千戶十二年即黎澧立縣宜良

唐

匡州即其地蠻酋羅氏於此立城居之名曰羅哀龍乃今縣也元憲宗六年立太池千戶隸嵩明萬

戶至元十三年升宜良州治太池縣二十一年州罷為縣後廢太池來屬

州四

嵩明州

下州在中慶東北治沙札臥城烏蠻車氏

所築白蠻名為嵩明昔漢人居之後烏白蠻強盛

漢人徙去盟誓於此因號嵩盟今州南有土臺盟

會處也漢人嘗立長州築金城阿葛二城蒙氏興

改長州為嵩盟部段氏因之元憲宗六年立嵩明

萬戶至元十二年復改長州十五年升高明府二

十二年降為州領二縣楊林

下在州東南治楊林城乃雜蠻枳氏車氏

斗氏麼氏四種所居之地城東門外有石如羊形故又作羊唐有羊林部落即此地元憲宗七年立羊林千戶至邵甸

下在州西治白邑村無城郭車蠻斗蠻舊地名

為東甸以來為邵憲宗七年立邵甸千戶至元十二年改為縣

晉寧

下

唐晉寧縣蒙氏段氏皆為陽城堡部元憲

宗七年立陽城堡萬戶至元十二年改晉寧州領

二縣晟貢

下西臨滇澤之濱在路之南州之北其間相去六十里有故城曰晟貢世為些

慶強宗部蠻所居元憲宗六年立晟貢千戶至元十二年割詔營切龍晟貢堆甸塔羅和羅忽六城及烏納歸化下在州東北晟貢縣南西濱山立晟貢縣淇澤地名大吳龍昔吳氏所居後為些麼徙蠻所有世隸善闡憲宗六年分隸晟貢千戶至元十二年割大吳龍安江安朔立歸化縣

昆陽州

下

在滇池南焚獯雜夷所居有城曰巨橋

今為州治閭羅鳳叛唐令曲轉蠻居之段氏興隸

善闡元憲宗併羅富等十二城立巨橋萬戶至元

十三年改昆陽州領二縣三泊

下至元十三年易於那龍城立縣



門

下在州之西治市坪村世為烏蠻所居段氏時高智昇治善闡奄而有之至元四年立泐

門千戶十二年改為縣縣西有泉曰泐源訛作易門

安寧州

下

唐初置安寧縣隸昆州閣羅鳳叛唐後

烏白蠻遷居蒙氏終善闡酋孫氏為安寧城主及

袁氏高氏互有其地元憲宗七年隸陽城萬戶至

元三年立安寧千戶十二年改安寧州領二縣祿

豐

下在州西治白村其地瘴熱非大酋所居惟烏雜蠻居之遷徙不常至元十三年割安寧

千戶之祿珠化泥驤琮龍三處立祿豐縣因江中有石如甌俗名碌珠譯謂碌為石珠為甌訛

為今

羅次

下在州北治歷唐呂白村本烏蠻羅部地險俗悍至元十二年因羅部立

羅次州隸中慶路二十四年改州為縣二十七年隸安寧州

威楚開南等路

下

為雜蠻耕牧之地夷名俄碌歷代

無郡邑後爨酋威楚築城俄碌聯居之唐時蒙舍詔

閣羅鳳合六詔為一侵俄碌取和子城今鎮南州是

也後閣羅鳳叛於本境立郡縣諸蠻盡附蒙氏立二

都督六節度銀生節度即今路也及段氏興銀生隸

姚州又名當筋臉及高昇泰執大理國柄封其姪子

明量於威楚築外城號德江城傳至其裔長壽元憲

宗三年征大理平之六年立威楚萬戶至元八年改

威楚路置總管府領縣二州四州領一縣

本路軍民屯田共七

千一百雙

## 縣二

威楚

下倚郭至元十五年升威州仍立富民淨樂二縣二十一年降州為威楚縣革二縣為鄉

來定遠

下在路北地名曰直睽雜蠻居之諸葛孔明征南中經此睽後號為牟州唐蒙氏遣

異蠻酋按苒鎮牟州築城曰耐龍至高氏專大理國政命雲南些麼使酋夷羨徙民二百戶於黃連

甯其擡步故城隸高氏元憲宗四年立牟州千戶黃遵甯為百戶至元十二年改為定遠州黃遵甯為南甯縣後革縣為鄉改州為縣隸本路

州四

鎮南州下州在路北昔樸落蠻所居川名久舍中有城曰雞和至唐時蒙氏併六詔征東蠻取和子雞和二城置石鼓縣又於沙却置俗富郡沙却即今州治至段氏封高明量為楚公久舍沙却皆隸之元憲宗三年其酋內附七年立久舍千戶石鼓

百戶至元二十一年改欠舍千戶為鎮南州立定  
邊石鼓二縣二十四年革二縣為鄉仍隸本州

南安州

下州

在路東南山嶺稠疊內一峰竦秀林

麓四周其頂有泉昔黑爨蠻祖瓦戡吳立柵居其  
上子孫漸盛不隸他部至高氏封威楚方隸焉憲  
宗立摩芻千戶隸威楚萬戶至元十二年改千戶

為南安州隸本路領一縣廣通

下縣在州之北夷名為路賧雅蠻居

之南詔閣羅鳳曾立路賧縣至段氏封高明量  
於威楚其後宜州箇些麼徒裔易裒等附之至

高長壽遂處於路賧易哀去舊堡二十里山上築城白龍戲新柵憲宗七年長壽內附立路賧

千戶至元十二年改

為廣通縣隸南安州

開南州

下

州在路西南其川分十二畝昔樸和泥

二蠻所居也莊蹻王滇池漢武開西南夷諸葛孔明定益州皆未嘗涉其境至蒙氏興立銀生府後為金齒白蠻所陷移府治於威楚開南遂為生蠻所據自南詔至段氏皆為徼外荒僻之地元中統三年平之以所部隸威楚萬戶至元十二年改為

開南州

威遠州 下州在開南州西南其川有六昔樸和泥

二蠻所居至蒙氏興開威楚為郡而州境始通其  
後金齒白夷蠻酋阿只步等奪其地中統三年征  
之悉降至元十二年立開南州及威遠州隸威楚  
路

武定路軍民府 下唐隸戎州在滇北昔獐鹿等蠻居

之至段氏使烏蠻阿剌治納漢脫共龍城於六甸又

築城名曰易龍其裔孫法瓦浸盛以其遠祖羅婆為部名元憲宗四年內附七年立為萬戶隸威楚至元八年併仁德于矢入本部為北路十二年割出二部改本路為武定領州二州領四縣

本路屯田七百四十八雙

州二

和曲州

下州在路西南蠻名叵遁甸焚獠諸種蠻

所居地多漢種或謂漢人曾居蒙氏時白蠻據其地至段氏以烏蠻阿厓併吞諸蠻聚落三十餘處



分兄弟子姪治之皆隸羅婺部元憲宗六年改巨

邁甸曰和曲至元二十六年升為州領二縣南甸

下路治本縣蠻曰滾甸又稱滾元謀下夷中舊

限龍至元二十六年改為縣治五甸至元十六年改為縣

祿勸州下州在路東北甸名洪農碌券雜蠻居之

無郡所至元二十六年立祿勸州領二縣易龍下

龍者城名在州北地名培塿縣境有二水蠻語謂滾為水城為龍因此為名昔羅婺部大酋居之為羣酋會集之所石舊下縣在州東有四甸至元二十六年立縣日掌鳩曰法塊曰抹

拾曰曲蔽掌鳩甸有溪遠其三面凡數十渡故名今訛名石舊至元二十六年立縣

鶴慶路軍民府

下

府治在麗江路東南大理路東北

夷名其地曰鶴川樣共昔隸越析詔漢唐未建城邑

開元末閣羅鳳合六詔為一稱南詔徙治羊苴咩城

地近龍尾鶴柘今府即其地也大和中蒙勸封祐於樣

共立謀統郡蒙氏後經數姓如故元憲宗三年內附

為鶴州七年立二千戶仍稱謀統隸大理上萬戶至

元十一年罷謀統千戶復為鶴州二十年為燕王分

地隸行省二十三年升為鶴慶府領一縣劍川下縣治在

劍川湖西夷云羅魯城按唐史南詔有六節度劍川其一也初蒙氏未合六詔時有浪穹詔與南詔戰不勝遂保劍川更稱浪劍貞元中南詔擊破之奪劍共諸川地其酋徙居劍睦西北四百里號劍羌蒙氏終至段氏改劍川為義督賧憲宗四年內附七年立義督千戶至元十一年罷千戶立劍川縣隸鶴州軍民屯田共二千餘雙

雲遠路軍民總管府元貞二年置

徹里軍民總管府大德中置大德中雲南省言大徹里地與八百媳婦犬牙

相錯勢均力敵今大徹里胡念已降小徹里復控扼地利多相殺掠胡念日與相拒不得離遣其弟

胡倫入朝指畫地形乞別立徹里軍民宣撫司擇  
通習蠻夷情狀者為之帥招其來附以為進取之  
地乃立徹里  
軍民總管府

廣南西路宣撫司

闕

麗江路軍民宣撫司路因江為名謂金沙江出沙金  
故云源出吐蕃界今麗江即古麗水兩漢至隋唐皆  
為越雋郡西徼地昔麼蠻此蠻居之遂為越析詔二  
部皆烏蠻種居鐵橋貞元中其地歸南詔元憲宗三  
年征大理從金沙濟江麼些負固不服四年春平之

立察罕章管民官至元八年立宣慰司十三年改為  
麗江路立軍民總管府二十二年府罷於通安巨津  
之間立宣撫司領府一州七州領一縣

府一

北勝府在麗江之東唐南詔時鐵橋西北有施蠻  
者貞元中為異牟尋所破遷其種居之號劍羌名  
其地曰成偈賧又改名善巨郡蒙氏終段氏時高  
智昇使其孫高大惠鎮此郡後隸大理元憲宗三

卷六十一  
年其酋高俊內附至元十五年立為施州十七年  
改為北勝州二十年升為府

州七

順州在麗江之東俗名牛睽昔順蠻種居劔川共  
唐貞元間南詔異牟尋破之徙居鐵橋大婆小婆  
三探覽等川其酋成斗族漸盛自為一部遷於牛  
睽至十三世孫自瞠猶隸大理元憲宗三年內附  
至元十五年改斗睽為順州

浪蕓州治羅共睽在麗江之東北勝永寧南北之間羅落麼些三種蠻世居之憲宗三年征大理至元九年內附十六年改羅共睽為浪蕓州

永寧州昔名樓頭睽接吐蕃東徼地名荅藍麼些蠻祖泥月烏逐出吐蕃遂居此睽世屬大理憲宗三年其三十一世孫和字內附至元十六年改為州

通安州治在麗江之東雪山之下昔名三睽僕解

蠻所居其後麼些蠻葉古乍奪而有之世隸大理  
憲宗三年其二十三世孫麥良內附中統四年以  
麥良為三昧管民官至元九年其子麥兀襲父職  
十四年改三昧為通安州

蘭州在蘭滄水之東漢永平中始通博南山道渡  
蘭滄水置博南縣唐為盧鹿蠻部至段氏時置博  
溪郡隸大理元憲宗四年內附隸察罕章管民官  
至元十二年改蘭州



寶山州在雪山之東麗江西來環帶三面昔麼些蠻居之其先自樓頭徙居此二十餘世世祖征大理自下頭濟江由羅邦至羅寺圍大賁等寨其酋內附名其寨曰察罕忽魯罕至元十四年以大賁七處立寶山縣十六年升為州

巨津州昔名羅波九睽北接三川鐵橋西隣吐蕃案唐書南詔居鐵橋之南西北與吐蕃接今州境實大理西北版要害地麼些大酋世居之憲宗三

年內附至元十四年於九旻立巨津州蓋以鐵橋

自昔為南詔吐蕃交會之大津渡故名領一縣臨

西

下縣在州之西北乃大理極邊險僻之地夷名羅哀間居民皆麼些二種蠻至元十四年

立大理州縣於羅哀間立臨西縣以西臨吐蕃境故也隸巨津州

東川路

下至元二十八年立

茫部路軍民總管府

下

益良州

下

强州

下

孟傑路

自東川路以下闕泰定三年八百媳婦蠻請官守置木安孟傑二府於其地

普安路

下治在盤町山陽巴盤江東古夜郎地秦為

黔中地兩漢隸牂柯郡蜀隸興古郡隋立牂州唐置

西平州後改興古郡為盤州蒙氏叛唐其地為南詔

東鄙東爨烏蠻七部落居之其後爨酋阿宋逐諸蠻

據其地號于失部世為酋長元憲宗七年其酋內附

命為于失萬戶至元十三年改普安路總管府明年

更立招討司十六年改為宣撫司二十二年罷司為

路

曲靖等路宣慰司軍民萬戶府曲靖二州在漢為夜  
郎味縣地蜀分置興古郡隋初為恭州協州唐置南  
寧州東西爨分烏白蠻二種自曲靖州西南昆川距  
龍和城通謂之西爨白蠻自彌鹿升麻二川南至步  
頭通謂之東爨烏蠻貞觀中以西爨歸王為南寧都  
督襲殺東爨首領蓋聘南詔閣羅鳳以兵脅西爨徙  
之至龍和皆殘於兵東爨烏蠻復振徙居西爨故地  
世與南詔為婚居故曲靖州天寶末征南詔進次曲

靖州大敗其地遂沒于蠻元憲宗六年立磨彌部萬戶至元八年改為中路十三年改曲靖路總管府二十年以隸皇太子二十五年升宣撫司領縣一州五州領六縣

本路屯田四千四百八十雙歲輸金三千五百五十兩馬一百八十四

### 縣一

南寧

下倚郭唐以蠻歸王為南寧州都督治石城及閭羅鳳叛州廢蒙氏改石城郡至段氏烏

蠻磨彌部酋據石城元憲宗三年內附六年立千戶隸磨彌部萬戶至元十三年升南寧州二十二

年革為縣

州五

陸涼州

下

即漢牂柯郡之平夷縣南詔叛後落溫

部蠻世居之憲宗三年內附立落溫千戶屬落蒙

萬戶至元十三年改為陸涼州領二縣芳華

下在州西

河納

下在州南  
治蔡村

越州

下

在路之南其川名魯望普麼部蠻世居之

憲宗四年內附六年立千戶隸末迷萬戶至元十

二年改越州隸曲靖路

羅雄州

下與溪洞蠻獠接壤歷代未嘗置郡夷名

其地為塔敝納夷甸俗傳盤瓠六男其一曰蒙由丘後裔有羅雄者居此甸至其孫普恐名其部曰羅雄憲宗四年內附七年隸普摩千戶至元十三年割夜苴部為羅雄州隸曲靖路

馬龍州

下夷名曰撒匡昔焚刺居之盤瓠裔納垢

逐舊蠻而有其地至羅苴內附於本部立千戶至

元十三年改為州即舊馬龍城也領一縣通泉

在下

州西南與嵩明州楊林縣接壤納垢之孫易阪  
分居其地元初為易龍百戶隸馬龍千戶至元

十三年改名通

泉縣隸馬龍州

霑益州

下在本路之東北據南盤江北盤江之間

唐初置州天寶末沒于蠻為爇刺二種所居後磨

彌部奪之元初其孫普垢剋內附憲宗七年以本

部隸曲靖磨彌萬戶府至元十三年改霑益州領

三縣交水

下治易阪龍城其先磨彌部酋蒙提居  
之後大理國高護軍逐其子孫為私邑

憲宗五年內附至元  
十三年即其城立縣

石梁

下係磨彌部又名伍  
勒部其酋世為巫居



石梁原山至元  
羅山  
下夷名落蒙山  
乃唐彌部東境

十三年為縣

激江路

下

治在滇池東南唐屬牂州隸黔州都督府

開元中降為羈縻州今夷中名其地曰羅伽甸初麼  
些蠻居之後為魃蠻所奪南詔蒙氏為河陽郡至段  
氏麼些蠻之裔復居此甸號羅伽部元憲宗四年內  
附六年以羅伽部為萬戶至元三年改萬戶為中路  
十六年升為激江路領縣三州二州領三縣  
本路屯田四千

一百  
雙

縣三

河陽

下內附後為千戶至元十六年降為縣

江川

下在潞江路南

星雲湖之北蒙氏叛唐使白蠻居之至段氏些麼徒蠻之裔居此城更名步雄部其後弄景內附即

本部為千戶至元十三年改千

陽宗

下在本路西北明湖之南

戶為江川州二十年降為縣

昔麼些蠻居之號曰強宗部其酋盧舍內附立本部千戶至元十三年改為縣

州二

新興州

下

漢新興縣唐初隸牂州後南詔叛降為

羈縻州蒙氏為溫富州段氏時麼些蠻分居其地

內附後立為千戶至元十三年改新興州隸激江

路領二縣普舍

下在州西北昔有強宗部蠻之裔長曰部傍據普具龍城次曰普舍

據普札龍城二城之西有白城漢人所築二酋屢爭其地莫能定後普舍孫直剏內附立本部

為千戶十三年改千戶為普

舍縣治普札龍城隸新興州 研和 下些麼徒蠻

孫龍鍾內附立百戶至元十三年改為縣

路南州

下

州在本路之東夷名路甸有城曰撒呂

黑爨蠻之裔落蒙所築子孫世居之因名落蒙部

憲宗朝內附即本部立萬戶至元七年併落蒙羅

伽末迷三萬戶為中路十三年分中路為二路改

羅伽為澂江路落蒙為路南州隸澂江路領一縣

邑市

下至元十三年即邑市彌至二城立邑市縣彌沙等五城立彌沙縣二十四年併彌

沙入本縣隸路南州

普定路本普里部歸附後改普定府

至元二十七年初幹羅思呂國

瑞入賄丞相僧格及約蘇穆爾等請併羅甸宣慰司至是言招到羅甸國札哇并龍家宋家牂狔猫人諸種蠻夷四萬六千六百戶阿卜阿牙者來朝為曲靖路宣慰同知托音及普安路官所阻會雲南行省言羅甸即普里也歸附後改普定府印信具存隸雲南省三十餘年賦役如期今所併羅甸宣慰安撫司隸

湖南省韓羅思等擅以兵脅降普定土官矣資男札哇希古等勒令同其入覲邀功希賞乞罷之仍以其地隸雲南制可大德七年改為路大德七年中書省臣言蛇府容直率衆效順容直沒其妻適姑亦能宣力戎行乞令襲其夫職仍改普定為路隸曲靖宣慰司以適姑為本路總管虎符

仁德府昔焚刺蠻居之無郡縣其部曰仲扎溢源後烏蠻之裔新丁奪而有之至四世孫因其祖名新丁以為部號語訛為仁地憲宗五年內附明年立本部為仁地萬戶至元初復叛四年降之仍為萬戶十三

年改萬戶為仁德府

本府屯田五百六十雙

領縣二為美

下縣治在

府北地名溢浦通伯眠甸即仁地故部至元二十四年置縣

歸厚

下縣治在府西地名易浪

滿龍舊隸仁地部至元二十四年分立二縣曰倘俸曰為美二十五年改倘俸曰歸厚

羅羅蒙慶等處宣慰司都元帥府

建昌路

下

本古越雋地唐初設中都府治越雋至德

中沒于吐蕃貞元中復之懿宗時蒙詔立城曰建昌

府以烏白二蠻實之其後諸酋爭強不能相下分地

為四推段興為長其裔浸強遂併諸酋自為府主大

理不能制傳至阿宗娶落蘭部建蒂女沙智元憲宗  
朝建蒂內附以其婿阿宗守建昌至元十二年析其  
地置總管府五州二十三建昌其一路也設羅羅宣  
慰司以總之本路領縣一州九州領一縣

本路立軍民屯田

### 縣一

中縣

縣治在佳頭回甸蓋越篤之東境也所居烏蠻自別為沙麻部以酋長所立處為中州至

元十年內附十四年仍為中州  
二十二年降為縣隸建昌路

### 州九

建安州

下

即總府所治建蒔既平分建昌府為萬

戶二又置千戶二至元十五年割建鄉城十四村

及建蒔四村立寶安州十七年改本千戶為建安

州二十六年革寶安州以其鄉村來屬

永寧州

下

在建昌之東郭唐時南詔立建昌郡領

建安永寧二州元至元九年西平王平建蒔十六

年分建昌為二州在城曰建安東郭曰永寧俱隸

建昌路



瀘州

下州

在路西昔名沙城驗即諸葛武侯禽孟

獲之地有瀘水深廣而多瘴鮮有行者冬夏常熱  
其源可燭鷄豚至段氏時於熱水甸立城名湊籠  
隸建昌憲宗時建帶內附復叛至元九年平之十  
五年改湊籠為瀘州

禮州

下州

在路西北瀘沽水東所治曰籠麼城南

詔末諸蠻相侵奪至段氏興併有其地裔孫阿宗  
內附復叛至元九年平之設千戶十五年改為禮

州領一縣瀘沽

縣在州北昔羅落蠻所居至蒙氏霸諸部以烏蠻酋守此城後漸盛

自號曰落蘭部或稱羅落其裔蒲德遣其姪建帶內附建帶繼叛殺蒲德自為酋長併有諸部

至元九年平之設千戶十三年升萬戶十五年改縣

里州

下唐隸雋州都督蒙詔時落蘭部小酋阿都

之裔居此因名阿都部傳至納空隨建帶內附中

統三年叛至元十年其子耶叻效順隸烏蒙十八

年設千戶二十二年同烏蠻叛奔羅羅斯二十三

年升軍民總管府二十六年府罷為州隸建昌路

開州

下州

治密納甸古無城邑烏蒙所居昔仲由

蒙之裔孫名科居此因以名為部號後訛為關至

三十七世孫熒羅內附至元九年設千戶二十六

年改為州

邛部州

下州

在路東北大渡河之南越巂之東北

君長十數笮都最大唐立邛部縣後沒于蠻至宋

歲貢名馬土物封其酋為邛都王今其地夷稱為

邛部州治烏弄城昔麼些蠻居之後仲由蒙之裔

奪其地元憲宗時內附中統五年立邛部川安撫  
招討使隸成都元帥府至元十年割屬羅羅斯宣  
慰司二十一年改為州

隆州下州在路之西南與漢邛部縣接境唐會川  
縣之西北蒙氏改會川為會同邏立五賧本州為  
邊府賧其後賧主楊大蘭於賧北壇上立城分派  
而居名曰大隆城即今州治也元至元十三年內  
附十四年設千戶十七年改隆州

姜州下姜者蠻名也烏蠻仲牟由之裔阿壇絳始

居閩畔部其孫阿羅仕大理國主高泰是時會川  
有城曰龍納羅落蠻世居焉阿羅挾高氏之勢攻  
拔之遂以祖名曰絳部憲宗時隨閩畔內附因隸  
焉至元八年為落蘭部酋建蒂所破九年平之遂  
隸會川後屬建昌十五年改為姜州二十七年復  
屬閩畔部後又屬建昌

德昌路軍民府下漢邛都縣地唐沒於南詔路在建

昌西南所居蠻號屈部元至元九年内附十二年立  
定昌路以本部為昌州二十三年罷定昌路併入德

昌路治本州葛魯城領州四

本路立軍  
民屯田

昌州

下路治本州初烏蠻阿屈之裔寔強用祖名

為屈部其孫烏則至元九年内附十二年改本部  
為州兼領普濟威龍隸定昌路二十三年罷定昌  
路併隸德昌

德州

下在路之北其地今名吾越甸城曰亦苴龍

所居蠻苴郎以遠祖名部曰賴縱憲宗時內附至  
元十二年立千戶十三年改為德州隸德平路二  
十三年改隸德昌

威龍州

下州

在路西南夷名巴翠部領小部三一

曰沙媯普宗二曰烏孫泥祖三曰媯諾龍菖蒲皆  
獯魯蠻種也至元十五年合三部立威龍州隸德  
昌

普濟州

下州

在路西北夷名玕甸昔為荒僻之地

獯魯蠻世居之後屬屈部至元九年隨屈部內附十五年於玗甸立定昌路二十三年路革改隸德

昌

會川路

下路

在建昌南唐移邛都於此其地當征蠻

之要衝諸酋聽會之所故名天寶末沒於南詔立會

川都督府又號清寧郡至段氏仍為會川府元至元

九年內附十四年立會川路治武安州領州五

本路立軍

民屯田



武安州

下

蠻稱龍泥城至元十四年立管民千戶

十七年改為武安州

黎溪州

下

古無城邑蠻云黎疆訛為今名初烏蠻

與漢人雜處及南詔閭羅鳳叛徙白蠻守之蒙氏  
終羅羅逐去白蠻段氏興今羅羅蠻乞夷據其地  
至元九年其裔阿夷內附改其部為黎溪州

永昌州

下

州在路北治故歸依城即古會川也唐

天寶末沒於南詔置會川都督至蒙氏改會同府

置五賧徙張王李趙楊周高段何蘇龔尹十二姓  
於此以趙氏為府主居今州城趙氏弱王氏據之  
及段氏與高氏專政逐王氏以其子高政治會川  
元憲宗三年征大理高氏逃去九年故酋王氏孫  
阿龍率衆內附至元八年以其男阿禾領會川十  
四年改管民千戶十七年立永昌州隸會川路

會理州

下州

在會川府東南唐時南詔屬會川節

度地名昔陀有蠻名阿壇絳亦仲由蒙之遺種其

裔羅於則得昔陀地居之取祖名曰絳部後強盛  
盡有四州之地號蒙歪元憲宗八年其孫亦蘆內  
附隸閔畔萬戶至元四年屬落蘭部十三年改隸  
會川路十五年置會理州仍隸會川二十七年復  
屬閔畔路

麻龍州

下

麻龍者域名也地名棹羅能烏蠻蒙次

次之裔祖居閔畔東川後普恐遷苗臥龍其孫阿  
麻內附至元五年為建蒂所併十二年屬會川十

四年立管民千戶隸會川路十七年立為州二十七年割屬閬畔部

栢興府昔摩沙夷所居漢為定笮縣隸越雋郡唐立昆明縣天寶末沒於吐蕃後復屬南詔改香城郡元至元十年其鹽井摩沙酋羅羅將獐鹿茹庫內附十四年立鹽井管民千戶十七年改為閬鹽州以獐鹿部為普樂州俱隸德平路二十七年併普樂閬鹽二州為閬鹽縣立栢興府隸羅羅宣慰司領縣二閬鹽

下倚郭夷名為賀頭甸以縣境有鹽井故名

金縣

下縣在府北夷名利實揭勒所居蠻因茹

庫乃漢越雋郡北境與吐蕃接至元十五年立為金州後降為縣以縣境斛焚和山出金故名焉

臨安廣西元江等處宣慰司兼管軍萬戶府

臨安路

下

唐隸牂州天寶末沒於南詔蒙氏立都督

府二其一曰通海郡段氏改為秀山郡阿焚部蠻居

之元憲宗六年內附以本部為萬戶至元八年改為

南路十三年又改為臨安路領縣二千戶一州三州

領二縣

宣慰司所領屯田六百雙本路有司所管三千四百雙囊焚軍千戶所管一千一百五十

雙有奇

縣二

河西

下縣在杞麓湖之西又名其地曰休臘昔莊  
蹻王其地唐初於姚州之南置西宗州領三

縣河西其一也天寶後沒於蠻為步雄部後阿  
蠻易渠奪而居之元憲宗六年內附七年即阿

部立萬戶休臘隸之至元十三年始為  
河西州隸臨安路二十六年降為縣  
蒙白界南

隣交趾西近建水州縣境有山名目則漢語訛為  
蒙自上有故城白夷所築即今縣治下臨巴甸南

詔時以趙氏鎮守至段氏阿  
內附繼叛七年平之立千戶隸阿  
蠻居之憲宗六年

三年改阿  
安路以本千戶為縣

捨資千戶

蒙自縣之東阿叻蠻所居地昔名褒古又曰部爛踵甸傳至裔孫捨資因以為

名內附後隸蒙自千戶至元十三年改蒙自為縣其地近交趾遂以捨資為安南道防送軍千戶隸

臨安路

### 州三

建水州

下

在本路之南近接交趾為雲南極邊治

故建水城唐元和間蒙氏所築古稱步頭亦云巴

甸每秋夏溪水漲溢如海夷謂海為惠劇為大故

名惠劇漢語曰建水歷趙楊李段數姓皆仍舊名

些麼徒蠻所居內附後立千戶隸阿剌萬戶至元十三年改建水州隸臨安路

石平州下在路之西南阿剌蠻據之得石坪聚為居邑名曰石坪至元七年改邑為州隸臨安路

寧州下在本路之東唐置黎州天寶末沒于蠻地號浪曠夷語謂旱龍也步雄部蠻些麼徒據之後屬爨蠻酋阿幾以浪曠割與寧酋豆圭元憲宗四年寧酋內附至元十三年改為寧州隸臨安路舊



領三縣通海嵎峨西沙西沙在州東寧部蠻世居之其裔孫西沙築城於此因名西沙籠憲宗四年其酋普提內附就居此城為萬戶至元十三年立為西沙縣二十六年以隸寧州至治二年併入州

領二縣通海

下倚郭元初立通海千戶隸善闡萬戶至元十三年改通海縣隸寧海府

二十七年府革直隸臨安路今割隸寧州

嵎峨

下縣在河西縣之西控扼山谷北接滇池

亦屬滇國昔嵎貌蠻居之後阿剌魯逐嵎貌據其地至其孫阿次內附以其部立千戶至元十三年改為州領邛州平甸二縣二十六年降為縣併二縣為縣隸臨安路今割隸寧州

廣西路

下

東爨烏蠻彌鹿等部所居唐為羈縻州隸

黔州都督府後師宗彌勒二部浸盛蒙氏段氏莫能制元憲宗七年二部內附隸落蒙萬戶至元十二年籍二部為軍立廣西路十八年復為民領州二

師宗州

下

在路之東南昔爨蠻逐獠焚等居之其

後師宗據匿弄甸故名師宗部至元十二年立為千戶十八年復為民二十七年改為州

彌勒州

下

在路南昔些麼徒蠻之裔彌勒得郭甸

巴甸部籠而居之故名其部曰彌勒至元十二年為千戶十八年復為民二十七年改為州

元江路下古西南夷地今元江在梁州之西南又當在黑水之西南也阿剌諸部蠻自昔據之憲宗四年內附七年復叛率諸部築城以拒命至元十三年遙立元江府以羈縻之二十五年命雲南王討平之割羅槃馬籠步日思麼羅丑羅陀步騰步竭台威台陽設栖你陀十二部於威遠立元江路

步日部

在本路之西蒙氏立此甸徙白蠻鎮之名步日驗

馬籠步

因馬籠山立寨在本路之北所居蠻阿焚元初立為千戶屬寧州萬戶至元十三年

改隸元江萬戶二十五年屬元江路

大理金齒等處宣慰司都元帥府

大理路軍民總管府

上本漢牂牁縣地唐於昆明之

枿棟州置姚州都督府治牂牁河蠻後蒙舍詔皮

羅閣逐河蠻取太和城至閣羅鳳號大蒙國雲南先

有六詔至是請於朝求合為一從之蒙舍在其南故

稱南詔徙治太和城至異牟尋又遷於喜郡史城又

徙居羊苴弄城即今府治改號大禮國其後鄭趙楊

三氏互相篡奪至石晉時段思平更號大理國元憲

宗三年收附六年立上下二萬戶至元七年併二萬

戶為大理路

有黔蒼山在大理城西周廣四百里為雲南形勝要害之地城中有五花樓唐

大中十年

詔王豐祐所建樓方五里高百尺其上可容萬人世祖征大理時駐兵樓前至元三年嘗賜

金重領司

一縣一府二州五府領一縣州領二縣

錄事司

憲宗七年立中千戶屬大理萬戶至元十一年罷千戶五錄事司十二年升理州二

十一年州罷  
復立錄事司

縣一

太和倚郭  
憲宗七年於城內外立上中下三千戶  
元二十六年即中千戶立錄事司上下二

千戶  
立縣

府二

永昌府  
唐時蒙氏據其地歷段氏高氏皆為永昌

府  
元憲宗七年分永昌之永平立千戶至元十一

年立永昌州十五年升為府隸大理路領一縣永

平

下縣在府東鹿滄江之東即漢博平縣唐蒙氏改勝卿郡屬永昌至元十一年改永平縣

隸永

昌府

騰衝府在永昌之西即越睽地唐置羈縻郡蒙氏

九世孫異牟尋取越睽逐諸蠻有其地為軟化府

其後白蠻徙居之改騰衝府元憲宗三年府酋高

救內附至元十一年改藤越州又立藤越縣十四

年改騰衝府二十五年罷州縣府如故

永昌騰衝二府軍民

屯田共二萬二千一百五雙

州五

鄧川州

下

在本路北夷有六詔暹暎其一也唐置

暹川州治大釐蒙氏襲而奪之後改德原城隸大

理段氏因之元憲宗三年內附七年立德原千戶

隸大理上萬戶至元十一年改德原城為鄧川州

領一縣浪穹

下本名彌茨乃浪穹詔所居之地唐初其王鐸羅望與南詔戰不勝保劍

川更稱浪劍貞元中南詔破之以浪穹施浪鄧

暎總三浪為浪穹州元憲宗七年內附立浪穹

千戶隸大理上萬戶至元

十一年降為縣隸鄧川州



蒙化州下本蒙舍城唐置陽瓜州天寶間鳳伽異

為州刺史段氏為開南縣元憲宗七年以蒙舍立  
千戶屬大理上萬戶至元十一年立蒙化府十四  
年升為路二十年降為州復隸大理路

趙州下昔為羅落蠻所居地蒙氏立國有十賧趙

州賧其一也夷語賧若州皮羅閣置趙郡閣羅鳳  
改為州段氏改天水郡憲宗七年立趙賧千戶隸  
大理下萬戶至元十一年改為州又於白崖賧立

建寧縣隸本州即古勃弄地二十五年縣革入州  
隸大理路

姚州

下唐

於柁棟川置姚州都督府天寶間閣羅

鳳叛取姚州附吐蕃終段氏為姚州元憲宗三年

內附七年立統矢千戶大姚堡千戶至元十二年

罷統矢立姚州隸大理路領一縣大姚

下唐置西濮州後更

名髻州南接姚州統縣四一曰青蛉即此地夷名大姚堡與柁棟川相接元憲宗七年立千戶

隸大理下萬戶至元十一年罷千戶立大姚縣隸姚州

雲南州

下唐

以漢雲南縣置郡蒙氏至段氏並為

雲南州元憲宗七年立千戶隸大理下萬戶至元

十一年立雲南州

蒙憐路軍民府

至元二十七年從雲南行省請以蒙憐甸為蒙憐路軍民總管府蒙憐甸

為蒙萊路軍民總管府其餘闕

蒙萊路軍民府

闕

金齒等處宣撫司其地在大理西南蘭滄江界其東與緬地接其西土蠻凡八種曰金齒曰白夷曰爨曰

峨昌曰驃曰緡曰渠羅曰比蘇案唐史茫施蠻本關  
南種在永昌之南樓居無城郭或漆齒或金齒故俗  
呼金齒蠻自漢開西南夷後未嘗與中國通唐南詔  
蒙氏興異牟尋破羣蠻盡虜其人以實其南東北取  
其地南至青石山緬界悉屬大理及段氏時白夷諸  
蠻漸復故地是後金齒諸蠻浸盛元憲宗四年平定  
大理繼征白夷等蠻中統初金齒白夷諸酋各遣子  
弟朝貢二年立安撫司以統之至元八年分金齒白

夷為東西兩路安撫使十二年改西路為建寧路東  
路為鎮康路十五年改安撫為宣撫立六路總管府  
二十三年罷兩路宣撫司併入大理金齒等處宣撫  
司

柔遠路在大理之西永昌之南其地曰潞江曰普坪  
賧曰申賧熨寨曰烏摩坪熨蠻即通曲所謂黑蠻也  
中統初熨酋阿八思入朝至元十三年與茫施鎮康  
鎮西平緬麓川俱立為路隸宣撫司

茫施路在柔遠路之南瀘江之西其地曰怒謀曰大  
枯睽曰小枯睽即唐史所謂茫施蠻也中統初內附  
至元十三年立為路隸宣撫司

鎮康路在柔遠路之南蘭江之西其地曰石睽亦黑  
獐所居中統初內附至元十三年立為路隸宣撫司  
鎮西路在柔遠路正西東隔麓川其地曰于賴睽曰  
渠瀾睽白夷蠻居之中統初內附至元十三年立為  
路隸宣撫司

平緬路北近柔遠路其地曰驃昧曰羅必四庄曰小  
沙摩弄曰驃昧頭白夷居之中統初內附至元十三  
年立為路隸宣撫司

麓川路在茫施路東其地曰大布茫曰昧頭附賽曰  
昧中彈吉曰昧尾福祿培皆白夷所居中統初內附  
至元十三年立為路隸宣撫司

南昧在鎮西路西北其地有阿賽昧午真昧白夷峨  
昌所居元初內附至元十五年隸宣撫司

金齒六路  
一昧歲賦

金銀各  
有差

烏撒烏蒙宣慰司在本部已的甸烏撒者蠻名也其  
部在中慶東北七百五十里舊名已凡兀姑今曰已  
的甸自昔烏雜蠻居之今所轄部六曰烏撒部阿頭  
部易溪部易娘部烏蒙部悶畔部其東西又有芒布  
阿晟二部後烏蠻之裔折怒始強大盡得其地因取  
遠祖烏撒為部名憲宗征大理累招不降至元十年  
始附十三年立烏撒路十五年為軍民總管府二十



一年改軍民宣撫司二十四年升烏撒烏蠻宣慰司

木連

路軍民府

以下闕

蒙光

路軍民府

木邦

路軍民府

孟定

路軍民府

謀粘

路軍民府

南甸軍民府

六難路甸軍民府

陋麻和管民官

雲龍甸軍民官

縹甸軍民官

二十四寨達魯噶齊

孟隆路軍民府

木朶路軍民總管府

至元三十年以金齒木朶甸戶口增殖立下路總管府其為長

者給兩  
珠虎符

金齒孟定各甸軍民官

孟愛等甸軍民府

至元二十一年金蓋新附孟愛甸酋長遣其子來朝即其地立軍民

總管府

蒙兀路

通西軍民總管府

大德元年蒙陽甸酋領緬吉納款遣其弟阿不剌等赴闕進方物且

請歲貢銀千兩及置郡縣驛傳遂立通西軍民府

木來軍民府

至元二十九年雲南省言新附金蓋通當布勒圖蒙果勒默色出征軍馬之衝

資其芻糧擬立為木來路中書省奏置散府以本布為達嚕噶齊用其土人馬列知府事

元史卷六十一

元史卷六十一考證

中慶路六世孫豐祐改曰善闡 原文作券豐祐按豐祐為尋閣勸子券當作勸又考新唐書載豐祐墓中華不肯連父名則券勸皆屬衍文今據刪後倣此又按新唐書南詔傳首有王都羊苴咩城別都為善闡府則善闡亦不自豐祐時始改

晉寧州領二縣晟貢 原文作呈貢按呈貢乃明初所改此當從晟據通志改

銀生隸姚州又名當筋臉 臉原文譌驗按舊書西南夷語臉若州也下文從日旁者亦非今據改

定遠下注唐蒙氏遣蠻蠻酋按萼鎮牟州 按萼原文

作擡萼據通志改

武定路軍民府唐隸戎州 原文作隸姚州據通志及

新舊唐書改

和曲州地多漢種 種原文譌冢據通志改

祿勸州領二縣易籠下注 地名培場原文譌倍場城

為籠原文譌籠為成均據通志改

以麥良為三昧管民官 原文作察罕章管民官按通

志所載與上下文義合今據改

曲靖二州在漢為夜郎味縣地 按漢書夜郎古國名

及陳立滅夜郎侯始為縣屬牂柯郡味縣屬益州郡

初不相統隸及唐武德三年置南寧州治未縣始兼

夜郎地不得統謂漢為夜郎味縣地也八年更隋置

之恭州為曲州析協州為靖州此曲靖所由名史亦

漏載

南寧下注烏蠻磨彌部舊據石城 磨彌原文作莫彌

石城作五城均據上文改

羅雄州歷代未嘗置郡 按羅雄今為羅平州即漢漏

卧縣地屬牂柯郡蜀漢以後為興古郡地此云歷代

未嘗置郡誤

新興州領二縣研和下注些磨徒蠻步雄居之 原文

作麼些徒卷後又作些莫徒今據上文改



柏興府漢為定筰縣 筰原文作笮據漢書改

臨安路州領二縣蒙自下注縣境有山名目則 原文

作自則按自則漢語不當訛為蒙自考名勝志及山川通志皆作目則取舉目則見之義與蒙自音相近也

趙州賧其一也 賧原文譌暎據唐志改正

雲南州唐以漢雲南縣置郡 按唐志初為雲南州後改為州領勃弄匡州二縣則唐未嘗於此置郡史誤

--	--	--	--	--	--	--	--

欽定四庫全書

元史卷六十二

明翰林學士亞中大夫知制誥兼修國史宋濂等修

志第十四

地理五

江浙等處行中書省為路三十府一州二屬州二十六

屬縣一百四十三

本省陸站一百八十八處  
水站八十二處

江南浙西道肅政廉訪司

杭州路 上 唐初為杭州後改餘杭郡又仍為杭州五

代錢鏐據兩浙號吳越國宋高宗南渡都之為臨安

府元至元十三年平江南立兩浙都督府又改為安

撫司十五年改為杭州路總管府二十一年自揚州

遷江淮行省來治于杭改曰江浙行省本路戶三十

六萬八百五十口一百八十三萬四千七百一十 元至

二十七年

抄籍數 領司二縣八州一

左右錄事司

宋高宗建炎三年遷都杭州設九廟元至元十四年分為四隅錄事司泰

定二年併為左  
右二錄事司

縣八

錢塘

上

仁和

上與錢塘  
分治城下

餘杭

中

臨安

中

新城

中

富

陽

中

於潛

中

昌化

中

州一

海寧州

中

唐以來為鹽官縣元貞元年以戶口

繁多升為鹽官州

是年升江南平陽等縣為州以  
戶為差戶至四萬五萬者為下

州五萬至十萬者為中州凡為  
中州者二十八下州者十五

秦定四年海圯鹽

官天歷二年改海寧州海寧東南皆濱巨海自唐  
宋常有水患大德延祐間亦嘗被其害泰定四年  
春其害尤甚命都水少監張仲仁往治之沿海三  
十餘里下石固四十四萬三千三百有奇水櫃四  
百七十餘工役萬人文宗即位水勢始平乃罷役  
故改曰海寧云

湖州路上唐改吳興郡又改湖州宋改安吉州至元  
十三年升湖州路戶二十五萬四千三百四十五

抄籍

戶口數闕用  
至順錢糧數  
領司一縣五州一

錄事司

舊設東西南北四廂至元十三年  
立總督四廂十四年改錄事司

縣五

烏程

上 歸安

上與烏程  
俱倚郭

安吉

中 德清

武康

中

州一

長興州

中

唐為綏州又更名雒州又為長城縣朱

梁改曰長興宋因之元元貞元年升為州

嘉興路

上

唐為嘉興縣石晉置秀州宋為嘉禾郡又

升嘉興府戶四十二萬六千六百五十六口二百二十四萬五千七百四十二領司一縣一州二

錄事司

舊置廟官元初改為兵馬司至元十四年置錄事司

縣一

嘉興

上倚郭

州二

海鹽州

中

唐為縣宋因之元元貞元年升州

崇德州

中

石晉置宋因之元元貞元年升州



平江路上唐初為蘇州又改吳郡又仍為蘇州宋為

平江路元至元十三年升平江路戶四十六萬六千

一百五十八口二百四十三萬三千七百領司一縣

二州四

錄事司

縣二

吳縣上長洲

上與吳縣俱倚郭

州四

崑山州

中唐

以來為縣元元貞元年升州

常熟州

中唐

以來為縣元元貞元年升州

吳江州

中唐

以來為縣元元貞元年升州

嘉定州

中本

崑山縣地宋置縣元元貞元年升州

常州路

上唐

初為常州又改晉陵郡又復為常州宋

因之元至元十四年升為路戶二十萬九千七百三

十二口一百二萬一十一領司一縣二州二

錄事司

縣二

晉陵

中武進

中興晉陵  
俱倚郭

州二

宜興州

中

唐義興縣宋改義為宜至元十五年升

宜興府二十年仍為縣二十一年復升為府仍置

宜興縣以隸之元元貞元年府縣俱廢止立宜興

州

無錫州

中

唐無錫縣元元貞元年升州

鎮江路

下

唐潤州又改丹陽郡又為鎮海軍宋為鎮

江府元至元十三年升為鎮江路戶一十萬三千三

百一十五口六十二萬三千六百四十四領司一縣

三

錄事司

縣三

丹徒

中倚郭

丹陽

中

金壇

中

建德路

上

唐睦州又為嚴州又改新定郡宋為建德

軍又為遂安軍後升建德府元至元十三年改建德  
府安撫司十四年改建德路戶一十萬三千四百八  
十一口五十萬四千二百六十四領司一縣六

錄事司

縣六

建德

中倚郭

淳安

中

遂安

下

桐廬

中

分水

中

壽昌

中

松江府唐為蘇州屬邑宋為秀州屬邑元至元十四  
年升為華亭府十五年改松江府仍置華亭縣以隸

之戶一十六萬三千九百三十一

至順錢糧數

領縣二華

亭

上倚郭

上海

上本華亭縣地至元二十七年以戶口繁多置上海縣屬松江府

江陰州

上

唐初為暨州後為江陰縣隸常州宋為軍

元至元十二年依舊置軍行安撫司事十四年升為

江陰路總管府今降為江陰州戶五萬三千八百二

十一口三十萬一百七十七

浙東道宣慰司都元帥府

元治婺州大德六年移治慶元

慶元路

上

唐為鄞州又為明州又為餘姚郡宋升慶

元府元至元十三年改置宣慰司十四年改為慶元路總管府戶二十四萬一千四百五十七口五十一萬一千一百一十二領司一縣四州二

錄事司

縣四

鄞縣

上倚郭

象山

中

慈溪

中

定海

中

州二

奉化州

下

唐析鄞縣地置奉化縣隸明州元元貞

元年升為奉化州隸慶元

昌國州

下

宋置昌國縣元至元十四年升為州仍

置昌國縣以隸之後止立昌國州隸慶元

衢州路

上

本太末地唐析婺州之西境置衢州路改

信安郡又改為衢州元至元十三年改衢州路總管

府戶一十萬八千五百六十七口五十四萬三千六

百六十領司一縣五

錄事司



縣五

西安

中倚郭

龍游

上

江山

下

常山

下宋改信安今復舊名

開化

中

浙東海右道肅政廉訪司

婺州路

上

唐初為婺州又改東陽郡宋為保寧軍元

至元十三年改婺州路戶二十二萬一千一百一十八口一百七萬七千五百四十領司一縣六州一

錄事司

縣六

金華

上倚郭

東陽

上

義烏

上

永康

中

武義

中

浦江

中

州一

蘭溪州

下

本金華之西部三河戍唐析置蘭溪縣

宋因之元元貞元年升州

紹興路

上

唐初為越州又改會稽郡又仍為越州宋

為紹興府元至元十三年改紹興路戶一十五萬一

千二百三十四口五十二萬一千五百八十八領司

一縣六州二

錄事司

縣六

山陰

上

會稽

中與山陰俱倚郭有會稽山為南鎮

上虞

上

蕭山

中

嵎

縣

上

新昌

中

州二

餘姚州

下

唐餘姚縣宋因之元元貞元年升州

諸暨州

下

宋諸暨縣元元貞元年升州

温州路

上唐

初為東嘉州又改永嘉郡又為温州宋

升瑞安府元至元十三年置温州路戶一十八萬七千四百三口四十九萬七千八百四十八領司一縣

二州二

錄事司

縣二

永嘉

上倚郭

樂清

下

州二

瑞安州

下

唐瑞安縣宋因之元元貞元年升州

平陽州

下

唐平陽縣宋因之元元貞元年升州

台州路

上

唐初為海州復改台州又改寧海郡又為

德化軍宋因之元至元十三年置安撫司十四年改

台州路總管府戶一十九萬六千四百一十五口一

百萬三千八百三十三領司一縣四州一

錄事司

縣四

臨海

上倚郭

仙居

上

寧海

上

天台

中

州一

黃巖州

下

唐為縣宋因之元元貞元年升州

處州路

上

唐初為括州又改縉雲郡又為處州宋因

之元至元十三年立處州路總管府戶一十三萬二

千七百五十四口四十九萬三千六百九十二領司

一縣七

錄事司

縣七

麗水

中倚郭

龍泉

中

松陽

中

遂昌

中

青田

中

縉陽

中

慶元

中

江東建康道肅政廉訪司

寧國路

上唐

為宣州又為宣城郡又升寧國軍宋升

寧國府元至元十四年升寧國路總管府戶二十三

萬二千五百三十八口一百一十六萬二千六百九

十領司一縣六

卷六十二  
錄事司

舊立四廟元至元十四年廢四廟創立

縣六

宣城

上倚郡

南陵

中

涇縣

中

寧國

中

旌德

中

太平

中

徽州路

上

唐歙州宋改徽州元至元十四年升徽州

路戶一十五萬七千四百七十一口八十二萬四千

三百四領司一縣五州一

錄事司

舊設四廟至元十四年改置

縣五



歙縣

上倚

休寧

中

祈門

中

黟縣

下

績溪

中

州一

婺源州

下

本休寧縣之回玉鄉唐析之置婺源縣

元元貞元年升州

饒州路

上

唐改鄱陽郡仍改饒州宋因之元至元十

四年升饒州路總管府戶六十八萬二百三十五口

四百三萬六千五百七十領司一縣三州三

錄事司

舊設三廂至元十四年改立

縣三

鄱陽

上倚郭

德興

上安仁中

州三

餘干州

中

唐以來為縣元元貞元年升州

浮梁州

中

唐以來為縣元元貞元年升州

樂平州

中

唐以來為縣元元貞元年升州

江南諸道行御史臺

集慶路

上

唐武德初置揚州東南道行臺尚書省後

復為蔣州罷行臺移揚州江都改金陵曰白下以其地隸潤州貞觀中更白下曰江寧至德中置江寧郡乾元中改昇州其後楊氏有其地改為金陵府南昌李氏又改為江寧府宋平南唐復為昇州仁宗以昇王建國升建康軍高宗改建康府建行都又為沿江制置司治所元至元十二年歸附十四年升建康路初立行御史臺于揚州既而徙杭州又徙江州又還杭州二十三年自杭州徙治建康天歷二年以文宗

潛邸改建康路為集慶路戶二十一萬四千五百三十八口一百七萬二千六百九十領司一縣三州二

錄事司

縣三

上元

中倚郭

江寧

中倚郭

句容

中

州二

溧水州

中

唐以來皆為縣元元貞元年升州

溧陽州

中

唐以來並為縣元至元十六年升為溧

陽路二十七年復降為縣後復升為州

太平路

下

唐置南豫州宋為太平州至元十四年升

為太平路戶七萬六千二百二口四十四萬六千三百七十一領司一縣三

錄事司

舊設四廂至元十四年改立

縣三

當塗

中倚郭

蕪湖

中

繁昌

下

池州路

下

唐於秋浦縣置池州後廢以縣隸宣州未

幾復置宋仍為池州元至元十四年升為路戶六萬  
八千五百四十七口三十六萬六千五百六十七領  
司一縣六

錄事司

縣六

貴池

下倚郭即秋浦縣吳改為貴池

青陽

下建德

下銅陵

下石埭

中東流

下

信州路

上

唐乾元以前為衢饒撫建四州之地乾元

元年始割衢之玉山常山饒之弋陽及撫建二州之地置信州宋因之元至元十四年升為路戶一十三萬二千二百九十口六十六萬二千二百五十八領司一縣五

錄事司

縣五

上饒

上倚郭

玉山

中

弋陽

中

貴溪

中

永豐

中

廣德路

下唐初

以綏安縣置桃州後廢州改綏安為

廣德縣宋為廣德軍元至元十四年升為路戶五萬  
六千五百一十三口三十三萬九千七百八十領司  
一縣二

錄事司

縣二

廣德

中倚郭

建平

中

鉛山州

中

本建撫二州之地山產銅鉛後唐析上饒

弋陽五鄉為銅場繼升為縣屬信州宋因之元至元



二十九年割上饒之乾元永樂二鄉弋陽之新政善

政二鄉來屬升為鉛山州直隸行省戶二萬六千三

十五

至順錢糧數

福建道宣慰使司都元帥府

大德元年立

福建閩海道肅政廉訪司

福州路

上唐

為閩州後改福州又為長樂郡又為威

武軍宋為福建路元至元十五年為福州路十八年

遷泉州行省於本州十九年復遷泉州二十年仍遷

本州二十二年併入杭州戶七十九萬九千六百九十四口三百八十七萬五千七百二十七領司一縣九州二州領二縣

錄事司

至元十五年行中書省於在城十二廂分四隅置錄事司十六年併其二置東西二

司二十年復併為一

縣九

閩縣

中

侯官

中與閩縣俱倚郭

懷安

中

古田

上

閩清

中

長

樂

中

連江

中

羅源

中

永福

中

州二

福清州

下

唐析長樂八鄉置萬安縣又改福唐又

改福清元元貞元年升為州

福寧州

上

唐長溪縣元升為福寧州領二縣

寧德

中

福安

中

建寧路

下

唐初為建州又改建安郡宋升建寧軍元

至元二十六年升為路戶一十二萬七千二百五十  
四口五十萬六千九百二十六領司一縣七

錄事司

縣七

建安

中

甌寧

中與建安俱倚鄣

浦城

中

建陽

中

崇安

中

松

溪

下

政和

下

泉州路

上

唐置武榮州又改泉州宋為平海軍元至

元十四年立行宣慰司兼行征南元帥府事十五年

改宣慰司為行中書省升泉州路總管府十八年遷

行省於福州路十九年復還泉州二十年仍還福州

路戶八萬九千六百口四十五萬五千五百四十五  
領司一縣七

錄事司

至元十五年立南北  
二司十六年併為一

縣七

晉江

中倚郭

南安

中

惠安

下

同安

下

永春

下

安溪

下

德化

下

興化路

下

宋置太平軍又改興化軍先治興化後遷

莆田元至元十四年升興化路戶六萬七千七百三

十九口三十五萬二千五百三十四領司一縣三

錄事司

縣三

莆田

中宋置興化軍遷治莆田元至元十三年割左右二廂屬錄事司縣如故仙游

興化

下軍治元在此後移於莆田此縣為屬邑

邵武路

下唐邵武縣屬建州宋置邵武軍元至元十

三年為邵武路戶六萬四千一百二十七口二十四

萬八千七百六十一領司一縣四

錄事司

縣四

邵武

中倚郭

光澤

中

泰寧

中

建寧

中

延平路

下

五代為延平鎮王延政始以鎮為鐔州南

唐置劔州宋以利州路亦有劔州乃稱此為南劔州  
元至元十五年升南劔路後改延平路戶八萬九千  
八百二十五口四十三萬五千八百六十九領司一

縣五

錄事司

縣五

南平

中倚郭

尤溪

中

沙縣

中

順昌

中

將樂

中

汀州路

下郭

唐開福撫二州山洞置州治新羅後改臨

汀郡又仍為汀州宋隸福建路元至元十五年升為

汀州路戶四萬一千四百二十三口二十三萬八千

一百二十七領司一縣六

本路屯田二百二十五頃

錄事司



縣六

長汀

中倚郭

寧化

中

清流

下

蓮城

下

上杭

下

武平

下

漳州路

下

唐析閩州西南境置後改漳浦郡又復為

漳州宋因之元至元十六年升漳州路戶二萬一千

六百九十五口一十萬一千三百六領司一縣五

本路

屯田二百

五十頃

錄事司

縣五

龍溪

下倚郭

漳浦

下

龍巖

下

長泰

下

南靖

下本

南勝

改名

江西等處行中書省為路一十八州九屬州十三屬縣

七十八

本省馬站八十五處  
水站六十九處

江西湖東道肅政廉訪司

龍興路

上

唐初為洪州又為豫章郡又仍為洪州宋

升隆興府元至元十二年設行都元帥府及安撫司

仍領南昌新建豐城進賢奉新靖安分寧武寧八縣

置錄事司十四年改元帥府為江西道宣慰司本路

為總管府立行中書省十五年立江西湖東道提刑  
按察司移省於贛州十六年復還龍興十七年併入  
福建行省止立宣慰司十九年復立罷宣慰司隸皇  
太子位二十一年改隆興府為龍興二十三年豐城  
縣升富州武寧縣置寧州領武寧分寧二縣大德五  
年以分寧縣置寧州武寧縣隸龍興路戶三十七萬  
一千四百三十六口一百四十八萬五千七百四十

四

至元二十七  
年抄籍數

領司一縣六州二

錄事司

宋以南昌新建二縣分置九廂元至元十三年廢城內六廂置錄事司

縣六

南昌

上至元二十年割錄事司所領城外二廂東南兩闕來屬

新建

上與南昌俱倚郭

進賢

中奉新

中靖安

中武寧

中至元二十三年置寧州縣為倚郭大德

八年於分寧縣置寧州武寧直隸本路

州二

富州

上本富城縣又曰豐城唐自豐水之西徙治

章水東即今治所宋屬隆興府元至元十九年隸

皇太子位二十三年升為富州

寧州

中唐

分寧縣宋因之元至元二十三年於武

寧縣置寧州分寧為倚郭縣大德八年割武寧直隸本路遂徙州治於分寧

吉安路

上唐

為吉州又為廬陵郡宋升為上州元至

元十四年升吉州路總管府置錄事司領一司八縣元貞元年吉安福太和永新四縣升州改吉州為吉安路戶四十四萬四千八十三口二百二十二萬

四百一十五領司一縣五州四

大德二年吉  
贛立屯田

錄事司

縣五

廬陵

上倚  
郭

永豐

上

萬安

中

龍泉

中

永寧

下至順間  
分永新州

立

州四

吉水州

中

舊為縣元元貞元年升州

安福州

中

唐初以縣置潁州後廢復為縣元元貞

元年升州

太和州

下

唐初置南平州後廢為縣元元貞元年

升州

永新州

下

唐為縣元元貞元年升州

瑞州路

上

唐改建成縣曰高安即其地置靖州又改

筠州宋為高安郡又改瑞州元至元十四年升瑞州

路領一司三縣元貞元年升新昌縣為州戶一十四

萬四千五百七十二口七十二萬二千三百二領司

一縣二州一

錄事司

至元十四  
年始立

縣二

高安

上倚  
郭

上高

中

州一

新昌州

下

唐為建成縣屬靖州後省入高安宋割

高安上高二縣地升鹽步鎮為新昌縣元元貞元

年升州



袁州路上唐為袁州又為宜春郡元至元十三年置

安撫司十四年改總管府領四縣設錄事司隸湖南  
行省十九年升路隸江西行省元貞元年萍鄉縣升  
州戶一十九萬八千五百六十三口九十九萬二千  
八百一十五領司一縣三州一

錄事司

至元十三年設兵馬  
司十四年改錄事司

縣三

宜春

上倚郭

分宜

上

萬載

中

州一

萍鄉州

中

本為縣元貞元年升州

臨江路上唐改建成為高安而蕭灘鎮實高安境內  
南唐升鎮為清江縣屬洪州後又屬筠州宋即清江  
縣置臨江軍隸江南西道元至元十三年隸江西行  
都元帥府十四年改臨江路總管府元貞元年新淦  
新喻二縣升州戶一十五萬八千三百四十八口七  
十九萬一千七百四十領司一縣一州二

錄事司

宋隸都監司元至元十三年  
設兵馬司十五年改錄事司

縣一

清江

上宋即縣治置臨江軍元至元  
十四年升軍為路而縣為倚郭

州二

新淦州

中

唐以來為縣元貞元年升州

新喻州

中

唐以來為縣元貞元年升州

撫州路

上

唐初為撫州又為臨川郡又仍為撫州元

至元十二年復為撫州十四年升撫州路總管府戶

二十一萬八千四百五十五口一百九萬二千二百

七十五領司一縣五

錄事司

至元十四年  
廢宋三廟立

縣五

臨川

上

崇仁

上

金溪

上

宜黃

中

樂安

中

江州路

下

唐初為江州又改潯陽郡又仍為江州宋

為定江軍元至元十二年置江東西宣撫司十三年

改為江西大都督府隸揚州行省十四年罷都督府

升江州路隸龍興行都元帥府後置行中書省江州  
直隸焉十六年隸黃蘄等路宣慰司二十二年復隸  
行省戶八萬三千九百七十七口五十萬三千八百  
五十二領司一縣五

錄事司

宋隸都監司元至元十二年  
設兵馬司十四年置錄事司

縣五

德化

中唐潯  
陽縣

瑞昌

中彭澤

湖口

中德安

中

南康路

下

唐屬江州宋置南康軍治星子縣元至元

十四年升南康路隸江淮行省二十二年割屬江西  
戶九萬五千六百七十八口四十七萬八千三百九  
十領司一縣二州一

錄事司

縣二

星子

下南康  
治所

都昌  
上

州一

建昌州

下唐初置南昌州後廢屬洪州宋屬南康

軍元元貞元年升州

贛州路上唐初為虔州又為南康郡又仍為虔州宋  
改贛州元至元十四年升贛州路總管府十五年設  
錄事司領一司十縣隸江西省二十四年併龍南入  
信豐安遠入會昌大德元年寧都會昌二縣升州割  
瑞金隸會昌至大三年復置龍南安遠二縣屬寧都  
戶七萬一千二百八十七口二十八萬五千一百四  
十八領司一縣五州二州領三縣

本路屯田五百一十餘頃

錄事司

縣五

贛縣

上州治所

興國

中

信豐

下

雩都

下

石城

下

州二

寧都州

下

唐為縣元大德元年升寧都州領二縣

新南

下至元二十四年併入信豐縣至大三年復置

安遠

下至元二十四年省入會昌縣

至大三  
年復置

會昌州

下

本雩都地唐屬虔州宋升縣之九州鎮



為會昌縣復升為軍元大德元年升會昌州領一

縣瑞金

下舊屬虔州大德元年來屬

建昌路

下

本南城縣屬撫州南唐升建武軍宋升建

昌軍元至元十四年改建昌路總管府割南城置錄

事司十九年南豐縣升州直隸行省戶九萬二千二

百二十三口五十五萬三千三百三十八領司一縣

三

錄事司

至元十四年立

縣三

南城

上新城

中

廣昌

中

南安路

下

唐升大庾鎮為縣屬虔州宋以縣置南安

軍元至元十四年改南安路總管府十五年割大庾

縣在城四坊設錄事司十六年廢錄事司戶五萬六

百一十一口三十萬三千六百六十六領縣三大庾

中倚郭

南康

中

上猶

下南唐為上猶宋改南安至元十六年改永清後復為上猶

南豐州

下

唐為南豐縣隸撫州宋改隸建昌軍元至

元十九年升為州直隸行省戶二萬五千七十八口  
一十二萬八千九百

廣東道宣慰使司都元帥府

海北廣東道肅政廉訪司

廣州路

上唐

以廣州為嶺南五府節度總管經畧使

治所又改南海郡又仍為廣州宋升為帥府元至元  
十三年內附後又叛十五年克之立廣東道宣慰司  
立總管府并錄事司元領八縣而懷集一縣割屬賀

州戶一十七萬二百一十六口一百二萬一千二百九十六領司一縣七

錄事司

至元十六年立以州之東城西城于城并番禺南海二縣在城民戶隸之

縣七

南海

中番禺俱倚郭

東莞

中增城

香山

下新

會

下清遠

韶州路

下

唐初為番州又更名東衡州又改韶州又

為始興郡又仍為韶州元至元十三年內附未幾廣

人叛十五年始定立總管府設錄事司戶一萬九千五百八十四口一十七萬二千五百五十六領司一

縣四

錄事司

縣四

曲江

中元初分縣城西廂地及城外三廂屬錄事司

樂昌

下

仁化

下

乳源

下

惠州路

下

唐循州宋改惠州又改博羅郡又復為惠

州元至元十六年改惠州路總管府戶一萬九十八

百三口九萬九千一十五領縣四歸善

下倚郭

博羅

下

海豐

下河源

南雄路

下

本始興縣唐初屬韶州五代劉氏割韶之

南雄始興二縣置雄州宋以河北有雄州改為南雄

州元至元十五年改南雄路總管府戶一萬七百九

十二口五萬三千九百六十領縣二保昌

下本滇昌宋改今名

始興

下

潮州路下唐初為潮州又改潮陽郡又復為潮州元

至元十五年歸附十六年改為總管府以孟招討鎮

守未幾移鎮漳州土豪各據其地二十一年廣東道

宣慰使頁特密實以兵來招諭二十三年復為江西

等處行樞密院副使兼廣東道宣慰使以鎮之始定

戶六萬三千六百五十口四十四萬五千五百五十

領司一縣三

錄事司

至元二十  
二年始立

縣三

海陽

下倚郭

潮陽

下

揭陽

下

德慶路

下

唐初為南康州又名康州又改晉康郡宋

升德慶府元至元十三年徇廣東既取廣州而德慶

未下十四年廣西宣慰司以兵取之改隸廣西道十

七年立德慶路總管府後仍屬廣東道戶一萬二千

七百五口三萬二千九百九十七領縣二端溪

下龍

水

下



肇慶路

下唐

初為端州又改高要郡又仍為端州宋

升肇慶府元至元十三年徇廣東惟肇慶未附十六

年廣南西道宣慰司定之因隸廣西十七年改為下

路總管府仍屬廣東道戶三萬三千三百三十八口

五萬五千四百二十九領縣二高要

中倚郭

四會

中

英德州

下唐

涯州五代南漢為英州宋升英德府元

至元十三年歸附十五年立英德路總管府二十三

年降為散州大德五年復為路

本州素為寇盜淵藪大德四年達魯噶齊

托歡徽爾比歲招降羣盜至二千餘戶遂升英德  
為路命托歡徽爾為達魯噶齊兼萬戶以鎮之至

大元年復降為州領縣一翁源

大德五年置

梅州

下

唐為程鄉縣屬潮州五代南漢置敬州宋改

梅州元至元十三年歸附十六年置總管府二十三  
年改為散州戶二千四百七十八口一萬四千八百  
六十五領縣一程鄉

南恩州

下

唐恩州又為齊安郡宋改南恩州元至元

十三年置南恩路總管府十九年降為散州戶一萬

九千三百七十三口九萬六千八百六十五領縣二

陽江

下陽春

封州

下

唐改為臨封郡後復為封州元至元十三年

歸附明年廣人叛廣西宣慰司以兵定之遂隸西道

十六年立封州路總管府後又降為散州仍屬東道

戶二千七十七口一萬七百四十二領縣二封川

下

開建

下

新州

下

唐改為新昌郡後復為新州元至元十六年

置新州路總管府十九年降為散州戶一萬一千三百一十六口六萬七千八百九十六領縣一新興

下

桂陽州

下

本桂陽縣唐宋因之元至元十三年內附

十九年升桂陽縣為散州割連州陽山縣來屬為孟

古岱呼圖克郡王分地元隸湖南道宣慰司後隸廣

東道戶六千三百五十六口二萬五千六百五十五

領縣一陽山

下唐屬建州宋因之至元十九年割以來屬

連州

下

唐改連山郡復改連州元至元十三年置安

撫司直隸行中書省十七年廢安撫司升為連州路

總管府隸湖南道宣慰司十九年降為散州隸廣東

道州府一百五十四口七千一百四十一領縣一

連山

循州府唐改為海豐郡仍改循州宋為博羅郡元至

元十三年立總管府二十三年降為散州戶一千六

百五十八口八千二百九十領縣三龍川

下興寧

長樂

下

元史卷六十二

元史卷六十二考證

松江府 按松有戶數而無口數與史例不合當係刊

本脫誤卷中似此者多槩從闕疑

衢州路本太末地 按志例沿革皆斷自唐本太末地

四字不合當是修史者刪削未盡

饒州路唐改都陽郡仍改饒州 按饒州本隋都陽郡

唐武德五年置饒州天寶初曰都陽郡乾元初復舊

是都陽本隋郡名唐之置饒州在改郡之前志脫載

唐初為饒州五字故仍改二字文義無着

南康路割屬江西下 原文有領一司三縣句按下文

既書領司一縣二州一則中間更無沿革此五字當

屬衍文今刪

贛州路寧都州唐為縣元大德元年升寧都州 按寧

都於唐為虔化縣屬虔州宋改虔州為贛州虔化仍

屬焉紹興二十三年改名寧都至元乃升為州因宋

縣名也志於唐縣未著名復脫宋代沿革詮次未明



廣州路唐以廣州為嶺南五府節度總管經畧使治所  
總管原文譌五管據舊唐書改

封州領縣二封川 川原文譌州據唐宋志改

循州唐改為海豐郡仍改循州宋為博羅郡 按唐之

循州本隋龍川郡武德五年改循州與惠州合天寶

初改為海豐郡宋始析循州之歸善等四縣置惠州

賜名博羅郡此循州所領之龍川等三縣則仍唐海

豐郡名志既於前惠州下書宋改惠州又改博羅郡

此復書宋為博羅郡未免牽混